


IBhayibhili Labantwana Lisinika

uNkulunkulu uhlola uthando lukaAbrahamu



Kubhalwe ngu: Edward Hughes

Kudwetshwe ngu: Byron Unger; Lazarus
Alastair Paterson

Kucubungulwe ngu: M. Maillot; Tammy S.

Kutolikwe ngu: Martina Sithole

Kuvezwe ngu: Bible for Children
www.M1914.org

©2024 Bible for Children, Inc.
Ilayisense: Ulelungelo lokulingisa kumbe ukucindezela
indatshana leyi nxa ungasoze uyithengise.

1



Kweyinye intambama
uNkulunkulu wasenika
uAbrahamu umlayo
osabisayo. Kwakungum-
hloiso wokubona ukuthi
uAbrahamu engabe
wayethanda

umntwana
wakhe uIsakha
ukudlula uNkulunkulu.

2

"Thatha indodana yakhe uIsakha umnikele njengomnikelo otshiselwayo," kwatsho uNkulunkulu. Ukunikela uIsakha? Abulale indodana yakhe? Kwakunzima lokhu kuAbrahamu.

Wayeyithanda kakhulu indodana yakhe.

3

Kodwa uAbrahamu wayesefunde ukumthamba uNkulunkulu loba engazwisisi. Ekuseni wavukela loIsakha lezisebenzi zakhe ezimbili ukuya nikela.

4

Engakasuki, uAbrahamu wabanda inkuni ezimbili ukuze abase umlilo owomnikelo. UAbrahamu wabona kungcono ukuthi ahloniphe uNkulunkulu.

5

Emva kwamalanga amathathu sebeseduze lentaba. UAbrahamu wathi kuzisebenzi zakhe, "Salanini lapha." "Mina loIsakha sizaqhubeka sobabili siyodumisa uNkulunkulu, besesi-zaphenduka kini."

UIsakha wathwala inkuni; uAbrahamu wathwala umlilo lengqamu.

6

"Ingaphi imvu yomnikelo wokutshisela?" kwabuza uIsakha. "UNkulunkulu uzaznikeza imvu." Waphendula uAbrahamu.

7

Bobabili bafika endaweni eyayikhethe nguNkulunkulu. Kulapho uAbrahamu ayakha khona i-alitha walungisa inkuni zoqubhebhisa umnikelo phambili kukaNkulunkulu. UAbrahamu wayeseke wayakha ama-alitha amanengi, ngempela leyi yabanzima ngakuye ukuthi ayiyakhe.


8

UAbrahamu wasebophela uIsakha indodana yakhe ethandekileyo wayibeka phezulu kwe-alitha. Engabe wayeza hlonipha izwi likaNkulunkulu uAbrahamu, elokuthi anikele indodana yakhe ezelwe iyiyi yodwa?



9

Yebo! Inggamu yakhazimula lapho uAbrahamu eyiphakamisela phezulu. Inhliziyo yakhe ingabe yayephuka, kodwa uAbrahamu wayesazi ukuthi kumele ahloniphe uNkulunkulu.



10

"Yekela!" ingilosi yeNkosi yamemeza. "Ngokwamanje sengisazi ukuthi uyamesaba uNkulunkulu. Awuzange wale lendodana yakho, yona eyiyoyodwa, ukuthi uyinikele Kimi."



11

Ngalokho nje uAbrahamu wasebona imvu egangeni, wabophulula uIsakha wasenikela leyo mvu. U-Isakha engabe wacabanga ukuthi, "UNkulunkulu usinikezile umnikelo, njengokuba ubaba etshilo."



12

Kwathi ubaba lengane bedumisa, iNgilosi yeNkosi yakhuluma kuAbrahamu isithi. "Ebantwaneni bakho, izizwe zonke zizabusiswa ngoba umhloniphile uNkulunkulu." Kwelinye ilanga, uJesu uzazalwa phambi kwezizukulwane zikaAbrahamu.



13

UAbrahamu loIsakha babuyela endlini. Emva kwesikhatshana bafikelwa yikudana. USarah wabhubha. UAbrahamu walahlekelwa ngumkakhe, uIsakha wayeselahlekelwe ngumamakhe.



14

Ngemva kwesililo sokubhujelwa, uAbrahamu wathuma omkhulu wezisebenzi zakhe ukuthi ziyodingela uIsakha umfazi. Isisebenzi lesi sasesisiya dinga ekhaya lakibo sijonge kuzihlobo zikaAbrahamu.



15

Isisebenzi lesi sacela kuNkulunkulu sisithi, "Unkazana ozakunikeza amanzi kuzifuyo zami makube nguyena olungele uIsakha." Ngalokho nje uRebhekha wasenikeza izifuyo zakhe amanzi. Wayengomunye wezihlobo zikaAbrahamu.



16

UREbhekha wasetshiya abakibo esiyatshada loIsakha. Waba ngumduduzi kaIsakha ekutshonelweni kwakhe ngumamakhe. Ngeqiniso u-Isakha wayemthanda kakhulu umamakhe!



17

UNKulunkulu uhlola uthando lukaAbrahamu

Indaba evela elizwini likaNkulunkulu, iBhayibhili

itholakala ku

UGenesisi 22-24

"Isango lamazwi akho lunika ukukhanya."
Amahubo 119:130

18

Indaba leyi eyeBhayibhili isitshela ngokubukeka kukaNkulunkulu owasidalayo njalo ofuna wena ubemazi.

UNKulunkulu uyakwazi ukuthi senze izinto ezimbi, lezo azibiza ngokuthi yizono. Umjeziso wesono yikufa, kodwa uNkulunkulu uyakuthanda kakhulu okokuthi Wakuthumela iNdodana yakhe, yona eyiyo yodwa, uJesu, ukuze afele esiphambanweni ejeziselwa izono zakho. UJesu wasevuka kwabafileyo wahamba ekhaya eZulwini! Nxa ukholwa kuJesu njalo umcele ukuba akuthethelele izono zakhe, Uzakwenza lokho! Uzabuya ahlale ngakuwe, lawe uzahlala Laye ngokunaphakade.

Nxa ukholwa ukuthi lokhu kuliqiniso, tshono lokhu kuNkulunkulu: Kuwe Jesu, ngiyakholwa ukuthi UnguNkulunkulu, njalo wabangumuntu ukuze ufele izono zami njalo kathesi Uyaphila ngokunjalo. Ngicela ungene enhlizweni yami ungithethelele izono zami, ukuze ngibe lempile entsha kathesi, kwelinye ilanga ngihambe ngiyokuba Lawe ngokunaphakade. Ngiyacela ukuba ungingcedise ngiKuhloniphe ngiKuphilele njengomntwana Wakho. Amen.

Funda iBhayibhili njalo ukhulume loNkulunkulu nsukuzonke! Johane 3:16

20

Isiphetho

5



60

19